

поведа пред многими, и рече: „Соблазнился еси, егда о¹² себе¹³ глаголеши; кто есмь аз грешница, да буду достойна сего нарицания“. И закл¹⁴ его не поведати никому. Сама же иде в церковь и с теплыми слезами молебная совершив, целова икону богородицыны.¹⁵

И оттоле боле подвизася к¹⁶ богу, ходя к церкви, по вся вечера моляшеся¹⁷ богу во отходной храмине; бе же ту икона богородицыны¹⁸ и святого Николы.¹⁹ Во един же вечер вниде в ню по обычаю на молитву, и абие бысть храмина²⁰ полна бесов со всяким оружием, хотяху убити ю. Она же помолися богу со слезами, и явися ей святой Никола, имея палицу, и прогна их от нея, яко дым исчезоша. Единаго же²¹ беса поймав, мучаше; святую же благослови²² крестом, и абие невидим бысть. Бес же плача вопиаше: „Аз ти многу спону творих²³ по вся дни: воздвизах²⁴ брань в детех и в рабех, к самой же не смеях приблизитися ради милостыни²⁵ и смирения, и молитвы“. Она бо безпрестани в руках имея четки, глаголя исусову²⁶ молитву. Аще ядыше и пияше, ли²⁷ что делая, непрестанно молитву глаголаше. Егда бо и почиваше, уста ея движастася и утроба ея²⁸ подвизастася на славословие божие: многжды видехом ю спящу,²⁹ а рука ея четки отдвигаше. — Бес же бежа от нея, вопиаше: „Многу беду ныне приях тебе³⁰ ради, но сотворю ти спону на старость: начнеши³¹ гладом измирати, ниже³² чюжих кормити“. Она же знаменася крестом, и исчезе бес от нея. Она же к нам прииде ужасна велми и лицом пременися.³³ Мы же, видехом ю смущену, вопрошахом, — и не поведа ничто же. Не помнозе же сказа нам тайно, и рече поведа не³⁴ рещи никому же.³⁵

И пожив во вдовстве 9 лет, многу добродетель показа ко³⁶ всем,³⁷ и много имения в милостыню разда,³⁸ точию нужные потребности домовные оставляше, и пищу точию³⁹ год до года разчиташе, а избыток весь⁴⁰ требующим растакаше.⁴¹ И продолжися⁴² живот ея до царя Бориса. В то же время бысть глад крепок во⁴³ всей русстей земли, яко многим от нужды скверных мяс и человеческих плотей вкушати, и множество человек неизчетно гладом изомроша. В дому же ея велика скудость пищи бысть и всех потребных, яко отнюдь не прорасте из земли всееное⁴⁴ жита⁴⁵ ея; кони же и скоты изомроша. Она же моляше дети⁴⁶ и рабы своя, еже отнюдь ничему чужу и татьбе не коснуться, но елико⁴⁷ оставшья⁴⁸ скоты, и ризы и сосуды вся распрода на жито и от того челядь кормяше, и милостыню доволну даяше,⁴⁹ и в нищите обыч-

12—13 Г от себе 14 Г заклат 15 АГ пресвятая богородицы 16 Г нет
 17 Г моляся 18 АГ пресвятая (А нет) богородицы 19 Г доб. чудотворца 20 Г
 доб. та 21 Г нет 22 АГ благословив 23 АБВ творях 24 Г воздвизаху
 25 А милостыня 26 А исусову 27 АГ или 28 АБ нет 29 Г ошибочно
 вняюще 30—68 А пропуск 31 Б нет 32 Б не 33 В переменяся
 34—35 Г никому же рещи 35 Б нет 36—37 Г во всем 38 БГ расточи
 39 Г нет 40 Б вся 41 Г разточаше 42 Г продолжи же ся 43 Г по
 44—45 Г всеянное жито 46 Г детей 47—48 Г елика оставшьяся 49 БВ даяше